

MEDEA – EURIPIDI

Vajtonte Medea për fatin e saj të keq dhe fëmijët që do të vuajnë bashkë me të. Ishte e trishtë të dëgjoje mjerimin e saj, ndonëse fati kishte vendosur ta dënonte në këtë lloj forme për fajet e së kaluarës. Një marrëdhënie e ndërtuar nga një dashuri e zjarrtë dhe e verbër tani kishte përfunduar në një familje të rënuar, sepse Jasini, burri që Medea i fali botën vetëm me një shikim, e kishte tradhëtuar.

Ndonëse ishte aq e pafuqishme shpirtërisht, ajo duhet të ngrihej nga kjo gjendje pa dobi, që i dhimbte pa masë, për të gjetur një zgjidhje për veten dhe fëmijët e saj. Në këtë vend nuk mund të qëndronte, jo se nuk ia kishte ënda, por se mbreti kishte urdhëruar që ajo të largohej bashkë me fëmijët. Ama as në vendin e saj nuk mund të shkonte, se për Jasinin e kishte braktisur familjen. E mbetur vetëm në një vend të huaj, Medea nuk po arrinte të gjente një rrugëdalje.

Si për ironi, për ta rënduar akoma edhe më shumë gjendjen e saj, Jasini vjen ta takojë që të flasin ballë për ballë. Me një guxim të shthurrur dhe në mënyrë të pamoralshme, ai kthehet për tu shfajësuar duke e parë në sy Medean, por kësaj here në sytë e saj do të gjente veç urrejtje. Nuk ishte më aty mbështetja dhe mirëkuptimi i mëparshëm dhe as ajo vajza zemërbutë që dashurohej lehtë, përkundrazi në aty sy ishte grumbulluar mllef dhe pendim. Medea ia tha me fjalë të gjitha ato që Jasini i lexonte lehtë në pamjen e saj, ndërsa ky i fundit nuk hoqi dorë nga mendimi se po bënte mirë që po martohej me bijën e mbretit dhe kështu të gjithë do të rronin të lumtur.

E dërmuar nga jeta, e etur nga dëshira për urrejtje dhe pa një rrugëzgjidhje, Medea u detyrua të luaj kartën e saj të fundit. Ia prishi mendjen Jasinit për të qëndruar duke e pranuar me mirësjellje martesën e Jasinit dhe në fshehtësi do të hakmerrej. Përdori zgjuarsinë për të përgatitur një helm, me të cilin lyeu fustanin që e bukura princeshë do të vishte si dhuratë prej saj. Ia dërgon këtë në shenjë paqeje me fëmijët e pafajshëm në pallat dhe e bija e mbretit vdes me një prekje të tij në lëkurën e saj të butë.

Por nuk ishte kjo, ajo që donte të arrinte Medea. Përpara se të hakmerrej plotësisht, ajo vrau zemrën e saj dhe më pas dritën e syve të Jasinit, dashurinë e vetme që ai ndiente singlerisht, djemtë e tij. Ajo që bëri e ktheu vërtet dramën e saj në një tragjedi...